



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

ՎԵՐԼՈՒԾԱԿԱՆ ՏԵՂԵԿԱՆՔ

«ՔոնթուրԳլոբալ Հիդրո Կասկադ» ՓԲԸ-ի կողմից 2019 թվականի 2-րդ եռամսյակում 7/19 ծածկագրով «ՔոնթուրԳլոբալ Հիդրո Կասկադ» ՓԲԸ-ի գործունեության տարածքում (Որոտան գետի ջրհավաք ավազան) ջրային ելակետային ուսումնասիրության» մրցույթի մոնիթորինգի արդյունքների վերաբերյալ

ԵՐԵՎԱՆ 2019

**«ՔոնթուրԳլոբալ Հիդրո Կասկադ» ՓԲԸ-ի գնումների առանձին
գործարքների մոնիթորինգի արդյունքները**

Մոնիթորինգի իրականացման հիմքը՝ ՀՀ հանրային ծառայությունները կարգավորող հանձնաժողովի (այսուհետ՝ Հանձնաժողով) 2014 թվականի հունիսի 25-ի №207Ա որոշմամբ (այսուհետ՝ Որոշում №1) հանրային կազմակերպությունների գնումների կարգերի նկատմամբ սահմանված լրացուցիչ պահանջների կատարման մոնիթորինգի կարգ:

Մոնիթորինգի օբյեկտը՝ «ՔոնթուրԳլոբալ Հիդրո Կասկադ» ՓԲԸ (այսուհետ նաև Ընկերություն):

Մոնիթորինգի առարկան՝ Ընկերության կողմից 2019 թվականի 2-րդ եռամսյակի ընթացքում իրականացված գնումների առանձին գործարքները:

Մոնիթորինգի նպատակը՝ Ընկերության կողմից կատարված գնումների առանձին գործարքների արդյունավետության ուսումնասիրություն և համապատասխանության գնահատում Հանձնաժողովի 2017 թվականի սեպտեմբերի 13-ի №391Ա որոշմամբ (այսուհետ՝ Որոշում №2) սահմանված լրացուցիչ պահանջներին:

Մոնիթորինգի իրականացման ժամկետը՝ 2019 թվականի սեպտեմբերի 1-ից մինչև 2019 թվականի նոյեմբերի 15-ը:

Մոնիթորինգի մեթոդաբանությունը՝ Ընկերության գնումների առանձին գործարքների մոնիթորինգն իրականացվել է ընկերության կողմից մինչև գնման հայտարարությունն իրականացված շուկայի ուսումնասիրության, գործարքի համար կիրառվող գնման մեթոդի ընտրության, մրցութային փաստաթղթերի և մատակարարի ընտրության ընթացակարգի մոնիթորինգի միջոցով:

**«ՔոնթրոլԳլոբալ Հիդրո Կասկադ» ՓԲԸ-ի գործունեության տարածքում
(Որոտան գետի ջրհավաք ավազան) ջրային ելակետային
ուսումնասիրության» բաց մրցույթ**

«ՔոնթրոլԳլոբալ Հիդրո Կասկադ» ՓԲԸ-ի 2019 թվականի գնումների պլանի հիման վրա, հիմք ընդունելով Ընկերության կողմից հաստատված գնումների կարգի 7.4.2 կետը կազմակերպել և անցկացրել է «ՔոնթրոլԳլոբալ Հիդրո Կասկադ» ՓԲԸ-ի գործունեության տարածքում (Որոտան գետի ջրհավաք ավազան) ջրային ելակետային ուսումնասիրություն բաց մրցույթ:

Հայտարարությունը ՀՀ ֆինանսների նախարարության էլեկտրոնային տեղեկագրում հրապարակվել է 2019 թվականի փետրվարի 1-ին՝ հայտերի ներկայացման վերջնաժամկետ սահմանելով 2019 թվականի փետրվարի 14-ը: Հետագայում հրավերում փոփոխություն կատարելով՝ հայտերի ներկայացման վերջնաժամկետը տեղափոխվել է մարտի 4-ին, ինչպես նաև նշվել է, որ մրցութային հայտի անգլերեն լեզվով ներկայացնելը պարտադիր է: Աշխատանքների կատարման ժամկետ է սահմանվում պայմանագիրը ուժի մեջ մտնելու օրվանից 365 օր:

Նախքան մրցույթի հայտարարումը, ընկերությունը չի կատարել շուկայի ուսումնասիրություն, ինչը կարող է հանդիսանալ հանձնաժողովի 2017 թվականի սեպտեմբերի 13-ի №391Ա որոշմամբ հաստատված հանրային կազմակերպությունների գնումների կարգերի նկատմամբ սահմանված լրացուցիչ պահանջների 13-րդ կետի հնարավոր խախտում:

Մրցույթի հայտարարումից հետո բաց առաջարկների հարցման հրավերին համապատասխան կարգով հայտ է ներկայացրել 3 մասնակից՝ «Armhydroenergyproject», «Fichtner GmbH&Co.» և «Biotop SIDI» ընկերությունները:

2019 թվականի մարտի 4-ին կայացած տեխնիկական առաջարկների գնահատման նիստի ընթացքում մրցութային հանձնաժողովի կողմից «Armhydroenergyproject» ընկերության ներկայացրած տեխնիկական առաջարկը գնահատվել է որպես հրավերի և գնումների ուղեցույցի պահանջներին ոչ համապատասխան և մերժվել է՝ հայտը միայն հայերեն լեզվով ներկայացնելու, աշխատակիցների ինքնակենսագրականները չներկայացնելու և աշխատանքային պլանի բացակայության պատճառով: Մյուս 2 մասնակիցների ներկայացրած

տեխնիկական առաջարկները մրցութային հանձնաժողովի կողմից գնահատվել են որպես հրավերի և գնումների ուղեցույցի պահանջներին համապատասխան և հնարավորություն է տրվել մասնակցել էլեկտրոնային եղանակով գնային առաջարկ ներկայացնելու փուլին: Ներկայացված գնային առաջարկները բերված են ստորև.

Ընկերության անվանումը	Ներկայացված գնային առաջարկները՝ առանց ԱԱՀ
1	2
«Fichtner GmbH&Co.»	190 550 Եվրո
«Biotop SIDI»	235 580 Եվրո

Հաղթող է ճանաչվել «Biotop SIDI» ընկերությունը՝ հայտի գինը 235 580 Եվրո՝ առանց ԱԱՀ: Պայմանագիրը կնքվել է 2019 թվականի հունիսի 3-ին, մատակարարման ժամկետ է սահմանվել պայմանագրի կնքման պահից 365 օր:

Հաղթող է ճանաչվել ամենաբարձր գին առաջարկած մասնակիցը: Ընկերությունը մրցութային փաթեթների գնահատումը կատարել է անցողիկ, ոչ անցողիկ գնահատման սխեմայով՝ սահմանելով տեխնիկական առաջարկի համար 80%, ֆինանսական առաջարկի համար՝ 20% հարաբերակցություն:

«ՔոնթուրԳլոբալ Հիդրո կասկադ» ՓԲԸ-ի գործունեության տարածքում (Որոտան գետի ջրհավաք ավազան) ջրային ելակետային ուսումնասիրության» բաց մրցույթի փաստաթղթերի ուսումնասիրության արդյունքում հարկ է փաստել, որ.

1. «ՔոնթուրԳլոբալ Հիդրո Կասկադ» ՓԲԸ-ն գնման ընթացակարգի փաստաթղթերը և կատարվելիք աշխատանքների բնութագրերը կազմել է պատշաճ մակարդակով:
2. Նախքան մրցույթի հայտարարումը, ընկերությունը չի կատարել շուկայի ուսումնասիրություն, ինչը կարող է հանդիսանալ հանձնաժողովի 2017 թվականի սեպտեմբերի 13-ի №391Ա որոշմամբ հաստատված հանրային կազմակերպությունների գնումների կարգերի նկատմամբ սահմանված լրացուցիչ պահանջների 13-րդ կետի հնարավոր խախտում:

3. Ընկերությունը հայտարարության մեջ նշել է, որ մրցութային հայտի անգլերեն լեզվով ներկայացնելը պարտադիր է:
4. Հաղթող է ճանաչվել հրավերի պահանջները բավարարող, ամենաբարձր գին առաջարկած մասնակիցը:
5. Ընկերության 2019 թվականի գնումների պլանով նախատեսված է «Ջրային ավազանի բնապահպանական հետազոտություններ, մշտադիտարկումներ» ձեռքբերում, ինչն ամբողջությամբ չի արտացոլում ուսումնասիրվող գործարքի առարկան:
6. Պայմանագրի կատարման ժամկետ է սահմանված պայմանագրի կնքման պահից 365 օր:

Այս համատեքստում հարկ է նշել, որ գնումների գործընթացների թերի կազմակերպման արդյունքում շուկայականից բարձր գներով ձեռք բերված ապրանքների, աշխատանքների և ծառայությունների արժեքները (շուկայական գները գերազանցող չափով) հաշվի չեն առնվի ընկերության սակագներում:



ԱՊՐԱՆՔՆԵՐԻ ԵՎ/ԿԱՄ ԾԱՌԱՅՈՒԹՅՈՒՆՆԵՐԻ ԳՆՄԱՆ ԳՈՐԾԸՆԹԱՑԻ ՍՏՈՒԳԱԹԵՐԹ

Ընկերության անվանում «ՔոնյութուրԳլոբալ Հիդրո Կասկադ» ՓԲԸ

Գնման անվանումը «ՔոնյութուրԳլոբալ Հիդրո կասկադ» ՓԲԸ-ի գործունեության տարածքում (Որոտան գետի ջրհավաք ավազան) ջրային ելակետային ուսումնասիրության»

Գնման ծածկագիրը 7/19

Գնման ձևը Բաց մրցույթ

ԲՈԼՈՐ ՓՈՒԼԵՐԸ

	Ստուգաթերթի պայման	Ա	Ո	Չ/Ո	Մեկնաբանություններ
1	Համարժեք և համապատասխան գրառումները պահպանվում են գնումների գործընթացի ողջ ընթացքում և մոնիթորինգ իրականացնելու համար բավարար տեղեկատվություն են պարունակում	☒	☐	☐	

ԳՆՄԱՆ ՊԼԱՆԱՎՈՐՈՒՄ

	Ստուգաթերթի պայման	Ա	Ո	Չ/Ո	Մեկնաբանություններ
2	Գնման հայտը հաստատել է կազմակերպության գործադիր մարմնի ղեկավարը կամ վերջինիս կողմից լիազորված անձը	☒	☐	☐	
3	Գործարքի համար կիրառվող գնման մեթոդի ընտրությունը ճիշտ է կատարվել	☒	☐	☐	

	Ստուգաթերթի պայման	Ա	Ո	Զ/Ո	Մեկնաբանություններ
4	Մինչև գնումների հրավերների հրապարակելն իրականացվել է համապատասխան շուկայի ուսումնասիրություն (փաստաթղթերը կցված են)	☐	☒	☐	
5	Գնման գործընթացի արդյունավետ իրականացման, ոչ մրցութային եղանակով գնումների ծավալի նվազեցման նպատակով՝ ընկերությունը իր վեբ կայքում և գնումների էլեկտրոնային տեղեկագրում հրապարակելուց բացի դիմել է արդյոք այլ միջոցների մասնակիցների շրջանակը ընդլայնելու և նրանց միջև մրցակցության խրախուսման համար	☒	☐	☐	Հայտարարությունը հրապարակվել է նաև iTender և armtimes.com էլեկտրոնային կայքերում:

ԳՆՈՒՄՆԵՐԻ ՆԱԽԱՊԱՏՐԱՍՏՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
6	Ապահովվել են հավասար մրցակցային պայմաններ հնարավոր մասնակիցների համար	☒	☐	☐	
7	Գնման առարկայի բնութագիրը հանգեցնում է գնումների գործընթացում մրցակցության համար չհիմնավորված խոչընդոտների առաջացմանը	☐	☒	☐	
8	Գնումը օբյեկտիվորեն հիմնավորված է և համարժեք է այն կարիքին, որի բավարարման նպատակով կատարվում է	☒	☐	☐	
9	Մանրամասն ներկայացված են գնման ընթացակարգի փաստաթղթերը	☒	☐	☐	

10	Պատշաճ ձևով ներկայացված են ապրանքների տեխնիկական բնութագրերը, իսկ աշխատանքների կամ ծառայությունների դեպքում՝ ամբողջական նկարագրությունը	☒	☐	☐
11	Ամբողջությամբ և հստակ նկարագրված են ապրանքի, աշխատանքի կամ ծառայության ձեռքբերման և վճարման պայմանները՝ բացառելով տարմենաբանությունը	☒	☐	☐
12	Գնման առարկայի հատկանիշները պահանջ կամ հղում են պարունակում որևէ առևտրային նշանի, ֆիրմային անվանման, արտոնագրի, էսքիզի կամ մոդելի, ծագման երկրի, կոնկրետ աղբյուրի կամ արտադրողի	☐	☒	☐

ՊԱՅՄԱՆԱԳՐԻ ԿՆՔՈՒՄ

Ստուգաթերթի պայման	Ա	Ո	Զ/Ո	Մեկնաբանություններ
13 Հայտերի գնահատման ընթացակարգը ընթացել է արդար և անկողմնակալ	☐	☐	☒	Հաղթող է ճանաչվել ամենաբարձր գին առաջարկած մասնակիցը:
14 Պայմանագիր կնքելու մասին որոշումը պարունակում է ամփոփ տեղեկատվություն հայտերի գնահատման և ընտրված մասնակցի ընտրությունը հիմնավորող պատճառների մասին	☐	☒	☐	
15 Հայտերի գնահատման ժամանակ ապահովվել է հատուցում արժեքի դիմաց սկզբունքը	☐	☐	☒	Հաղթող է ճանաչվել ամենաբարձր գին առաջարկած մասնակիցը:

	Ստուգաթերթի պայման	Ա	Ո	Զ/Ո	Մեկնաբանություններ
16	Պայմանագրի գնի հաշվարկը ներառում է տվյալ գնման պայմանագրի կատարումն ապահովելու նպատակով կատարվելիք բոլոր վճարները (ծախսերը)	☒	☐	☐	

ՊԱՅՄԱՆԱԳՐԻ ԿԱՏԱՐՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
17	Սահմանվել է վճարման ողջամիտ ժամկետ	☒	☐	☐	
18	Գնման պայմանագիրը կատարվել է պատշաճ մակարդակով	☐	☐	☒	Գնման պայմանագիրը կատարման ընթացքում է:
19	Գնման առարկայի արժեքը համապատասխան է շուկայական արժեքին	☐	☐	☒	Նախքան մրցույթի հայտարարումը, ընկերությունը չի կատարել շուկայի ուսումնասիրություն: